

R.4584

OUTEIRO DE REI

Anuncio

Convocatoria de Axudas á Escolarización 2011/2012.-

De conformidade co disposto no artigo 28 da Lei 7/1985, de 2 de abril, reguladora das bases do réxime local, as entidades locais poden realizar tarefas complementarias das propias de outras administracións públicas e, en particular, en materia de educación.

A competencia en materia de educación corresponde a Xunta de Galicia, non obstante, en virtude do título competencial aludido, o Concello de Outeiro de Rei pode desenrolar actuacións de fomento co fin de complementar os servizos autonómicos e facilitar o acceso a educación os veciños con menor nivel de renda.

Por todo elo, e de conformidade co disposto nas bases xerais de concesións de subvencións recolleitas no Orzamento Xeral do Concello de Outeiro de Rei para o exercicio 2011, a Xunta de Goberno Local, por unanimidade dos membros presentes, acorda:

Aprobar a seguinte convocatoria de axudas á escolarización:

Primeiro: Obxecto e condicións da concesión da subvención:

A presente convocatoria ten por obxecto o fomento da escolarización dos nenos veciños de Outeiro de Rei, mediante a financiación da compra de material escolar destinado ó curso escolar 2011-2012.

A tal fin, únicamente serán subvencionables os gastos de escolarización cuxa realización se xustifique mediante factura orixinal expedida durante o presente ano 2011 e ata o remate do prazo de presentación de solicitudes.

Os gastos de escolarización subvencionables serán os seguintes: cadernos de exercicios, bolígrafos, lápices ou demais material gráfico; bolsas, mochilas e outros elementos de transporte de material escolar; dicionarios; atlas; libros de tutoría; libretas; e outros materiais directamente relacionados co desenrolo de actividades formativas escolares.

En ningún caso serán subvencionables os gastos de adquisición de libros de texto incluídos no ámbito de aplicación da Orde de 20 de agosto de 2009, da Consellería de Educación e Ordeación Universitaria.

Segundo: Crédito orzamentario.

A presente convocatoria implica unha autorización de creto de 5.000 euros, a imputar a partida orzamentaria 3.480, do estado de gastos do Orzamento Xeral do Concello de Outeiro de Rei para o exercicio 2011.

Terceiro: Procedemento de outorgamento.

O outorgamento das subvencións terá carácter reglado, non existindo concorrencia competitiva entre os solicitantes. O outorgamento da subvención verá dado, exclusivamente, pola acreditación dos requisitos a que se fai referencia no artigo seguinte.

O órgano competente para o outorgamento da subvención será a Xunta de Goberno Local do Concello de Outeiro de Rei.

O prazo para dictar e notificar a resolución do procedemento é de tres meses, que comenará a computar dende o día seguinte ó da finalización do prazo de presentación de solicitudes. Unha vez transcorrido o citado prazo sen que se dictare e notificare a resolución definitiva, as solicitudes poderán entenderse desestimadas por silencio administrativo.

Contra a denegación por silencio administrativo da solicitude, o interesado poderá interpoñer recurso potestativo de reposición perante a Xunta de Goberno Local deste Concello no prazo de tres meses a contar dende o día seguinte ó que se produzan os efectos do silencio ou ben, interpoñer directamente recurso contencioso administrativo perante o xulgado do contencioso administrativo de Lugo, no prazo de seis meses a contar dende o día seguinte ó que se produzan os efectos do silencio.

No caso de insuficiencia do créto autorizado para atender as solicitudes presentadas, o outorgamento das axudas farase por orde de presentación da solicitude no rexistro xeral da entidade, ata o agotamento do creto consignado.

A publicación dos sucesivos actos do procedemento se realizará mediante a exposición de anuncios no taboero de edictos do Concello.

Cuarto: Requisitos dos beneficiarios.

Os beneficiarios das axudas deberán:

- Estar empadroados no Concello de Outeiro de Rei.
- Estar cursando estudos de ensino obrigatorio, educación infantil, Formación Profesional de primeiro grao ou bacharelato.
- Non obter axudas para o mesmo fin de outras administracións públicas.

Quinto: Prazo de presentación de solicitudes e documentación a presentar polos solicitantes.

Os solicitantes das axudas deberán presentar nas oficinas municipais, no prazo máximo dun mes a contar dende o día seguinte ó da publicación da presente convocatoria no Boletín Oficial da Provincia, a seguinte documentación:

- Fotocopia do DNI de tódolos membros da unidade familiar.
- Libro de familia.
- Nóminas dos últimos tres meses.
- Recibo do INEM, no caso de estar percibindo prestación por desemprego.
- Última declaración da renta ou, no caso de non presentala, certificado negativo da delegación de economía e facenda.
- Certificado de pensión do Instituto Nacional de Seguridade Social, no caso de ser beneficiario de prestacións sociais.
- Certificaco de estar o corrente nas obrigas tributarias municipais.
- Certificado do centro escolar no que conste matriculado o interesado.
- Facturas orixinais que acrediten o gasto realizado en material escolar.

Sexto: Criterios obxetivos de concesión das axudas.

As axudas determinaranse mediante a aplicación dos seguintes baremos, de xeito que, en función da renda acreditada da unidade familiar, subvencionarase por cada fillo (e en función do número de fillos que integren dita unidade familiar) o porcentaxe fixado da contía total xustificada.

Nivel de renta	número de fillos.		
	1 fillo	...	2 fillos 3 fillos ou máis
ata 20.000 euros	40%		50% .. 60%
de 20.001 a 30.000 euros	30%		40% .. 50%

A contía máxima xustificada por beneficiario non poderá superar a cantidade de 150 euros.

Non obstante, no caso de que os beneficiarios cursen estudos de Formación Profesional ou bacharelato, a contía máxima xustificable será de 200 euros.

Outeiro de Rei, 27 de setembro de 2011.-O Alcalde, José Pardo Lombao.